

octuaginta colligit. Rursusque secundū dies nauigationis per mare, à Ptolemaide, quæ est in Troglodytica, ad Prassum promontorium, æquinoctiali id australius esse colligit, stadibus uiginti et septem milibus octingentis: ita ut & Prassum promontoriū, & Agisymbam regionem, quæ Aethiopum est, et quæ, ut ipse dicit, nec dum Aethiopiam ab austro determinat, ad oppositum eorum producat, qui gelidam inhabitant zonam. Si quidem uiginti septem milia & octingenta stadia, constituunt in æquinoctiali partes quinquaginta quinque & tertias quinque, quot & ab altera æquinoctialis parte distat, ac sub similis frigiditatis qualitate, Scythæ degunt & Sarmatæ, qui septentrionalia Meotidis incolunt paludis. Contrahit igitur & ipse numerū expositorum stadiorū in summam dimidio minorem, hoc est, in stadia duodecim milia, quot ferme hyemalis tropicus distat ab æquinoctiali. Addit & contractionis huius solummodo diuersiones à uis rectis, necnō irregularitates itinerum causas esse, omisissis potioribus & præoptioribus, ex quibus nō solum diminutio necessaria uideretur, sed etiam ut ad tam paruum redigatur numerū. Primum enim de itinere quo à Garama ad Aethiopiam itur, Septimium Flaccum, ait, qui in Libya militauerat à Garamantibus, ad Aethiopes, quum ad meridiem perrexisset, trium mensium spacio peruenisse: Iulium uero Maternū à Lepti magna, quū Garamantes ex Garama Aethiopes inuasissent, mēsisbus quatuor ad Agisymbam Aethiopū regionem applicuisse, quū iter semper ad meridiem direxisset, quo in loco Rhinocerotes congregantur. Quæ utraque etiam per sese incredibilia sunt, et quia Aethiopes interiores, non tantum à Garamantibus segregantur, ut trimestri distent itinere. Quum iam ipsi potius Aethiopes existant, & eundem quem & illi habeant regem. Et quia penitus ridiculū est, incursionem regis contra subditos super unam distantiam solam factam fuisse,

nempe à septentrione ad meridiē: quū gentes illæ, utrinque, & ad ortū & occasum latissime extendantur, ac nullibi eū moras relatu dignas fecisse. Quapropter certū est, uiros illos falsa nunciasse, aut sic ad meridiē dixisse, quem admodum indigenæ dicere consueverunt in Austrum, aut in Aphricū, pro certiori, eo quod magis notum est ab utentes.

In caput octauum annot.

Voluit Marinus ostendere latitudinem terre australem terminari sub tropico brumali, conatusque est id probare duabus profectiōibus, una terrestri, alia nautica. sed quam inepte id faciat, luculenter Ptolemæus in hoc capite ostendit, dum Agisymba interioris Aethiopiæ regnum secundum illum computum gelidæ subijceretur zonæ, hoc est, quinquaginta quinque gradibus distaret ab æquatore. Quod autem gelidæ zonæ secundum hanc dimensionem subijceretur, patet ex opposito parallelo, qui scilicet quinquaginta quinque gradibus uersus aquilonē ab æquatore distat, cui subijciuntur Scythæ & palus Meotica. Si itaque Scythæ & Sarmatæ sub Scytharum parallelo habitantes, gelidam inhabitant zonam, utique & hi qui uersus austrum quinquagesimo quinto subijciuntur parallelo, gelidam inhabitabunt zonam, habebuntque similem aëris qualitatem, quam Scythæ memorati habent. Pari ratione nauigatio illa reprehenditur, quæ iuxta Marini assertionem à Ptolemaide Troglodytica ad Prassum promontorium facta est. Ceterum Leptis magna in Africa minore inter duas Syrtes locum habet, uocaturque alio nomine Neapolis, habens in longitudine gradus 42. & in latitudine 31. Garama uero est metropolis Garamantum in Libya interiori, habens in longitudine gradus 43. & in latitudine 21. distans scilicet decem gradibus à Lepti magna uersus Austrum. Ptolemæus Troglodytica est in Aethiopia sub Aegypto, habens in longitudine gradus 66. & in latitudine 16. Agisymba regio est ultra æquatorem, habens in longitudine gradus triginta duo, & in latitudine decem. Prassum promontorium habet in longitudine gradus 80. et in latitudine meridionali gradus quindecim. Porro cum Marinus absurditatem suam cognouisset, molitus est sic euadere, ut stadiorum multitudinem dimidiaret propter itinerum uarios flexus, sed huius uanitatem refellit Ptolemæus.

Eadem